




8123

kat kromp

Augustianie



8123

AUG.

IN NOMINE DOMINI, AMEN.
CONCLUSIONES

Ex Philosophia naturali

DE MOTU

Publicæ Disputationi

EXPOSITÆ.

&
CHRISTO
DOMINO
CRUCIFIXO

In Ædibus S. MARCI Evangelistæ Gratiis & miraculis

CELEBERRIMO

à

Schola Regni Philosophica

DEDICATÆ.

Revelabitur Filius meus JESUS, 4. *Esdra* 7.

Et vocabitur Nomen Ejus Admirabilis, Consiliarius,
DEUS fortis. *Isaia* 9.

Et stupebant super doctrina Ejus, erat enim docens
eos quasi potestatem habens. *Marci* 1. v. 22.

Non judicavi me scire aliquid inter vos, nisi JESUM
Christum & hunc Crucifixum. 1. *ad Corint.* 2. v. 2.
Omne quodcunq; facitis in verbo aut in opere,
omnia in Nomine Domini JESU Christi facite. *ad*
Coloss. 5. v. 17. In Quo sunt omnes thesauri sapi-
entiae & scientiae absconditi. *ad Colos.* 2. v. 3. S.
Paulus Apost.

Aug. 8123

Eris verus Philosophus CHRISTI cum in te stultam
fecerit Ipse sapientiam mundi. *lib.* 1. *Ep.* 9.
S. *Petrus Mauri.*

Non solum CHRISTUS sicut Magister aliquid docuit,
sed sicut Magister aliquid non docuit; tanquam
Magister enim sciebat & docere quod proderat,
& non docere quod oberat. *supr.* *Psal.* 36. in prin-
cipio *Concionis primae.* Cathedram habet in Caelo, qui
in terra docet. *De Disciplina Christiana* C. 4. S. *Aug.*

Tibi Convivium CHRISTUS sit, cogitatio tua CHRI-
STUS, desiderium CHRISTUS, lectio CHRI-
STUS, quies CHRISTUS. *Tom.* 4. *Epist.* 13. *de*
Septem Ordinibus. S. *Hieronym.*

1967 D 74 St. Dr.

St. J. J.

DEDICATIO.



Naturali ex Philosophia de motu
Conclusiones, quas hodie luci da-
mus publicæ, easdem in continenti
Thaumaturgo in Ara Crucis ad Sa-
cras D. MARCIÆdes CHRISTO DOMINO
officiosissima veneratione dedicamus. Et jure qui-
dem optimo; Illi namque quæ totius Authori
naturæ hecce naturalis Philosophiæ quantum-
cunq; sit subjicitur opus, Illi quæ Supremo
omnium Scientiarum Magistro deferendus omni-
no hic Studii Scholastici fructus, Illi quæ spe-
cialiter ad peractæ hujus Philosophiæ partis ne-
gotium & actum rei præsentis invocato ac im-
plorato Adjutori singulare gratæ Pietatis & piæ

Gratitudinis à nobis Cultoribus debetur per
omnia monumentum. Toties ab hoc Omnipotente
Orbis Universi Salutisque Authore cunctorum
notitiam reportamus Philosophi, toties Hoc Magi-
stro nos informante, non sinè animorum solatio
abditæ rerum arduaue difficultatum superamus
feliciter, quoties firma fide & devotè affectibûs
Divi, illo felici vitæ Cantianæ sæculò ex præ-
claris Lithvaniarum Principibus oriundi in
Universitate actualis Professoris ac demum Re-
gularis de Pœnitentia Martyrum Canonici
GEDROICII exemplò, ad Hunc omnium Fa-
cultatum Authorem pro obtinenda promptitudine,
ad Supremum Intelligentiarum Magistrum, Eun-
demque Gloriæ Paternæ Splendorem, pro men-
tium illuminatione avidi perfectæ eruditionis re-
currimus competitores. Quare: Hac Divina
Bonitate Tua, Quâ nobis ad Ædes Divi MARCI
Evangelistæ confluentibus necessaria proficiendi in
arti-

*Artibus Dona mirabiliter largiris, suscipe exiguum
laboris nostri opellam Conclusiones nempe expo-
sitas Admirabilis CHRISTE, quas dum proni
immemso Tuæ Divinæ Majestatis subjecimus
Calcaneo, enixis precibus supplicamus, ut huic
præsenti ad Gloriam Nominis Tui à nobis institu-
to, perque Eximios subtilissimæ Scholæ Magistros,
Seraphicis, erga Te Patientissimum Salvatorem
affectibus necnon Philadelphicis in nos Philoso-
phos Academicos argumentis adornando & cele-
brando actui benedicere non dedigneris.*

CONCLUSIONES EX PHYSICA DE MOTU.

I.

Res naturales ex se non sunt indifferentes (ut Cartesius vult) sed determinatæ ad distinctos motus. Aliàs si essent indifferentes, tunc non magis esset lapidi naturale moveri deorsum, aut igni sursum, quàm igni deprimi & lapidi ascendere. Quò ad secundum, videmus levia sursum, gravia deorsum ex vi seu inclinatione naturali determinatè moveri.

II.

Effectus agentium naturalium non contingunt cæca motûs necessitate (prout dictus Cartesius narrat) sed omnia agunt propter finem. DEUS enim agentia naturalia tanquam Supremus Provisor ad suum finem ordinat sapientissimè, omnia dein agentia pro innata suæ conditioni virtute intendunt aliquem finem, propter quem operantur.

III.

Non solus DEUS est Causa efficiens motuum (ut cum Cartesio plurimi Recentiores sentiunt) solus tamen est Primus Motor. Advertimus utique non obscure rebus corporeis inesse vim activam motus, dum v.g. lapis eiectus sursum, deorsum; non aliquo impetu eum abextra premente, sed vi sibi innata evidenter descendit. Quò verò ad DEUM Motorem; Hic Primus omnibus entibus, sicut esse dedit, ita & consequentiam ad esse non amovet à rebus, quas ad actuales necnon Physicas operationes efficaciter movet.

IV.

Præmotio Physica non lædit libertatem creatam sed potiùs juvat eandem. Hinc patet primum, quòd Præmotio Physica non aufert indifferentiam voluntati creatæ ad agendum vel non agendum liberè. Secundum inde constat, quòd DEUS voluntatem creatam in posse agere promptam & ad actu agendum paratam præmovendo, de actu primo ad actu secun-

secundum quem agens creatum propria vir-
tute consequi non posset, deducit efficaciter.
Ad Majorem DEI Gloriam.

*Disputabuntur publicè in Collegio Majori Studii
Generalis Universitatis Cracoviensis, argumentan-
tibus contra easdem AA. RR. Patribus Ordinis
S. FRANCISCI Conventualibus, actualibus Phi-
losophiæ Lectoribus, concludente Actum Disputa-
tionis per breve argumentum Excellente D. M.
Vincentio Smaczniński, Phiæ Doctore, protunc
ejusdem Cursus Auditore.*

*Objectis satisfaciet Excellens D. M. Bonifacius
Garycki, Phiæ Doctor, protunc ejusdem Cursus
Auditor. Sub assistentia M. Antonii Thadæi
CZERCHAWSKI, Philosophiæ Doctoris, Regii
ac pauloante præfati Cursus Philosophici actualis
Professoris, Collegæ Majoris, Ecclesiæ Collegiatæ
S. ANNÆ Scholastici. Annô Domini 1766.
Mense Junio.*

PERMISSU
MAGNIFICI DOMINI
RECTORIS.

ia vir-
aciter.

Studii
centan-
Ordinis
s. Phi-
isputa-
D. M.
otunc

facius
Cursus
hadæi
Regii
ctualis
egiatæ
766.



Biblioteka Jagiellońska
stdr0026601

